



09782

芝園定集卷之四

樂府目錄

芳樹

將進酒

鞠歌行

東門行五解

當牆欲高行

獨漉篇

煌煌京洛行八解

別鶴操

空城雀

東道吟四解

銅雀妓

噫嗟歌

臨高臺

戰城南

關山月

野田黃雀行

江南曲十四首

促促歌三首

寶刀吟

烏栖曲

行路難五首

燕歌行五解

秋胡行三解

門有車馬客行

滿歌行五解

昇天行

梁父吟四解

結客少年場行

防胡行二首

思歸引

苦寒行四解

公無渡河二首

王子喬

出塞曲

搗衣篇

結襪子

從軍行

嬋娟曲

昭君怨

搗衣曲

芝園定集卷四目錄



鳴琴曲

俠客吟

紫騮馬

秋夜長二首

白頭吟

芝園定集卷四目錄

二



鳴琴曲
俠客吟
紫騮馬

白頭吟

芝園定集卷之四

樂府體

芳樹

芳樹不同根連理枝森森上枝拂雲漢下枝巢珍禽人生各有匹結交不知心本謂膠投漆誰知商間參不知心尚可奈何如我而讒我樹枝有時落汝心徒自惡

行路難五首

正德己卯作

君不見太行山撐天拄日高鬱盤君不見黃河水翻雲倒霧千萬里渡河苦無梁上山苦無羽颯雀蓬蒿常偃僕我往訴帝帝我拒虎豹當關攫人肉雄鳩佻巧不為理時運苟未逢材藝棄如土蘇秦空上咸陽書韓信猶蒙里兒袴

芝園定集卷四

其一

君不見連城壁碎不復完平地水覆難再收昔日彈冠取卿相片言不合興戈矛雷開被寵比干死竇嬰失勢灌夫囚道旁荆棘汝自力進退惟谷心煩憂綽約春華豈久妍青青松柏委山丘君如念東門之黃犬何如彼西域之青

牛其二

御君文茵暢轂之寶車升君旋題刻桷之華堂飲君蒲萄琥珀之美酒服以華桂繡結之衣裳妾顏不如花與王妾心自比雙鴛鴦朝奉君前夕侍君旁承君之歡不出洞房豈知貴貌不貴心轉眼秋風霜霰侵明月長虛文錦帳清宵不斷白頭吟行路難心煩冤自家結髮尚如此路上之

人何足言其三

有口莫取猛虎食有手莫探驪龍珠商君貴寵就車裂董
侯驕橫遭屠誅鞭霆掣電驅鬼神陰設陽施偷帝鈞爵人
賤人在瞬息何者踈遠不交親白日照地水山摧家貴籍
沒妻兒墨茫茫青海有田地身死冤冤何當歸君不見莊
生漆園為傲吏魯連蹈海號高士行路難古如此其四

良人未二十辭家遠從戎長隨李將軍逐虜入雲中轉戰
突重圍積屍陰陵東既勒燕然石復事函谷封人言邊塞
常苦寒十去不得一生還猛虎噬屍骨其上有烏鳶積雪
淒風長自悲帶刀擊斗何時聞我一思之淚如雨縱有膏
沐誰為顏其五

將進酒

芝園定集卷四

二

將進酒烹羔羊滌瑤爵陳象床日團圍升扶桑上賓集六
樂張泰階平聖道昌紛屢舞歌悅康受百祿齊千祥皇帝
陛下萬萬壽立我民極永無疆

燕歌行五解

草木黃落天氣秋清霜塗地風颼颼明月耿耿照高樓客
行不歸生煩憂一解將軍被甲冠兜鍪撥金伐鼓破幽州
白狼河北羽書流青海灣頭獵騎休樓蘭授首左賢囚策
勳左个封公侯二解玄鳥北嚮鷹南遊迢迢織女望牽牛
爾獨何為久淹留欲言不言心苦愁三解雪花如掌照吳
鈞白草連天嘶紫騮爾今無禍又無哀奈何慘慘持戈矛

四解故鄉欲濟河無舟胡兒黠非好仇生來不得共
袞死歿應當返故丘五解

鞠歌行

黃鍾動管飛協氣相應群生興簫韶奏鳳凰儀聖人治
世衆賢毗歲易邁生難期佩芳服潔良不移起高臺延郭
隗四方之士相追隨鄭尚妬誅娥眉惡聞王臭王豈知伯
樂死驂驟悲中心慘戚那得怡

秋胡行三解

衆鳥有匹昏遊以遊擊而有別實惟睢鳩彼誰者子矯矯
卿侯突而好我中心孔羞卿有婦兮妾有夫悅彼姝兮曾
睢鳩之不如兮一解倉庚喈喈春日載陽執我懿筐採彼

芝園定集卷四

三

柔桑彼誰者子車馬龍驤含情流睇黃金是將獸有穴兮
鳥有林卿有金兮不如我之有心兮二解明明日月照臨
下土女子有行畏彼多露彼誰者子繡水朱輅美也可悅
不念其故山有木兮水有魚子不信兮孰可與同居兮三解

東門行五解

出東門淚滂沱少壯辭鄉里白首還蹉跎杖劍挽強弩隸
籍李輕車我今逐虜天山北功成歸來拜白麻一解黃雲
塞四野擔囊行負戈陰陵迷失道壯士相顧但咨嗟二解
倉浪天疾威我黃口小兒復怨我出無車馬入無綺羅蕭
蕭四壁立那得復為家三解請君聽我言從今以後勿復
咨嗟遭時則龍翔失勢則為蛇骨肉幸相守富貴皆由他

四解人惡其上獸畏網羅但共鋪糜為活辛苦經營
何五解

門有車馬客行

門有車馬客乃自鴈門關下馬投車轄入門脫行纏自言
簪纓曾尺籍隸長安幼好縱橫術熟覽黃石篇身隨漢驃
騎逐虜祁連山左手覽繁弱右手秉龍泉本謂功名易寧
知道路艱首級不得上跡弛無人憐冰霜落毛剝白日頹
華顏歸還故里門親戚皆凋殘附鳥須附鸞藝園須藝蘭
為謀自不審失路將何言生不入虎穴死當赴龍淵徘徊
長歎息惻惻摧心肝

當墻欲高行

正德己卯作

芝園文集卷四

四

汝欲上高樓無梯那可及汝欲遊深宮無門那可入東家
之奴西家叱逐灌木之禽不巢華屋身無七貴援張口奮
臂不顯材賢丹霞可以蔽日容成反照孰別姪妍我欲面
訴神君天長水濶予予不得前結我朋友采掇芝草來授
要道永世難老

滿歌行五解

生世一何不常東有叢棘西有長荆剪荆伐棘傷我手足
由汝荆棘夷庚四塞嗟汝行路之人皆當苦辛今我告汝
汝獨不聞一解幼服庭訓長師聖謨慊慊常不飽戚戚恒
苦悲世人勸我言彼執珪戴弁如脂如韋拘仁守義餓死
夷齊汝獨區區柰何不哺糟而啜醪二解我荅世人汝言

一何愚蓬蒿不作杜蘭桂難為芻又况東流之水必有西
上之魚出門各有好貴賤從來殊奈何不自愛金玉可以
捐其軀三解將畧集屋上魚何可得張網在堂下獸何由
獲流光不久待白日忽西匿濩落無所成中心空怵迫願
欲凌風翔從彼雙黃鵠四解黃鵠見我憐携我青雲端睇
影咸池濯足洧盤東西南北離哉翻嗟汝鳥鳶啄腐而吞
腥驚羅憐弋何時可安五解

獨漉篇

獨漉獨漉上陵入谷谷深無底陵高無躅玉在璞中孰別
純疵鳥在林莽孰辨雄雌閉門養蜂自求其螫出門種桂
翻樹之棘集苑者驕集枯者恥纏牽壘壘何由千里豎兒
無知握策馳驅馬驚車敗叫天號呼娘能捕蟬蚌則伺鵲
懷機使詐水清石出

昇天行

澹穆穆塵垢端居誦丹經了悟太上玄遂得真人名玉皇
註仙籙挈我昇天行青龍駕我驂白鵠翼我儔徘徊崑崙
顛夕息在層城謁帝雲間門鈞樂奏廣庭朱旗懸絳節靈
芝花紫莖口吸沆瀣漿手攀若木英采藥隨羨門雲卧同
廣成瑤闕星辰布雕軒日月經逍遙常不返億萬永遐齡

煌煌京洛行八解

北畝種桑南畝藝蘭桑葉沃沃蘭蓋班班一解洋洋大海
不擇細流思皇多士媚于京周二解渭濱屠釣時惟鷹揚

柔嘉山甫補我衮裳三解周召畢榮宅于四輔九圍既式
百蠻來敘四解白璧不揚時予之恥懷沙自沉豈其得已
五解飛塵亂周西施敗吳假神三日叢乃立枯六解靡消
售智孫贖以迓楚莊之霸以相叔教七解上天明明篤生
哲人載采九德立我蒸民八解

梁父吟四解

朝上泰山鬱何盤盤崩崖薜攀石齒闌班虺蛇橫路虎豹
當關憭哉慄慄曷以盤桓一解暮上泰山白日西匿前有
榛莽後有鬼蜮道險天寒饑不得食欲見雲君何由可得
二解泰山巍巍魯邦所宗智矣齊相七國之雄二桃何甘
以殺三士惟其忍心嗟嗟晏子三解虞羅藏機蜂蠆致螫

芝園文集卷四

六

口舌之微憭憭戈戟長沙竄誼汨羅沉平誰為始禍嗟嗟
晏嬰四解

別鶴操

嗷嗷和鳴鳴相求兮與爾比翼成好仇兮命乃自天匪我
由兮中道棄背忡忡憂兮君子薄終義所允兮嗟嗟水覆
疇可收兮

結客少年場行

少年縱飲博落魄廢生涯陰謀師鬼谷勇氣薄荆軻象齒
飾雕弧黃金裝莫邪較獵平陵下一發中五紀橫行都市
中殺人如刈麻官司急追捕埋名魯朱家親交易名姓劇
孟相經過投我千金贈白刃重摩挲驅胡出上谷轉戰入

交河就食大宛城飲馬條支波錢刀賣首級擣蒲百萬多
生當甘鼎鑊死即棄山阿

空城雀

空城索索鼠穴狐栖白骨不葬悲風淒淒嗟爾黃雀何不
去此逃朝鳴啾啾夕呼嗷嗷慊慊長苦饑爾生一何勞雀
聞心中苦口噤不能語大澤饒風波其上鷗鷺多東人挾
彈西家張羅各自懷機智愛惜田中禾覆車之粟人尚收
官倉之儲寧汝由何如關關空城裏草根木實無人主經
年不見有行踪蓬蒿跳踉誰禁汝蚩蚩爾黃口慎莫生咨
嗟待得毛羽成努力自為家

防胡行二首

芝園定集卷四

七

將軍來將軍來胡今在邊吾與汝戎旃擊左先備右突後
須防前寧斷我頭與足無壞我田與屋彎弓被甲猶尚可
無衣無食愁殺我

將軍來將軍來胡今在北吾與汝馳逐蜚螻須覆巢驅虎
須毀族巢不覆族不毀鳥獸攫人食骨髓有塹莫險有墩
莫固今汝不努力胡來荼毒汝

東道吟四解

泥滑滑水深車覆轍風飄雨驟不得歇一解石子壘壘車
所由荆棘如矛滿道周跋踈狼狽我心憂二解後有猛虎
銜牙利距前有剽虜搶奪官馬四顧田野間望不見煙火

三解我馬躑躅我僕次且行徐徐無疾驅四解

思歸引

瞻彼遠道思吾故鄉故鄉不可見泣下沾衣裳栖鳥戀城
樹白雲在河陽客久不言歸何用東西南北翔織女未成
報牽牛難服箱秋蘭開復落春草青載黃蹉跎歲云暮念
我父母不得將明月照戶蟋蟀在房飛蓬飄轉顧影淒傷
吁嗟乎東海之波浩無際吾意較之還復長盍歸來思故
鄉

銅雀妓

少小學歌舞君王嬖愛秘陽臺雲雨散丘隴朔風吹總帳
明蟾影蘭庭湛露斯空令九秋夜三五小星垂

苦寒行四解

芝園定集卷四

玄雲其同雨雪其豐焉棲林蔚獸嗥谷中哀此征夫載西
載東此日不卒亦孔之窮一解鑿冰冲冲釜也燭之吐風
薄戶土也瑾之我行中野霜雪瘁之豈無父母山川間之
二解東鄰殺牛西鄰割羊盤盃紛錯膏燭夜光撞鐘伐鼓
為樂未央嗟嗟行役柰彼疆場三解北邙揚沙南山裂石
莽莽白骨聚如丘積毒膚敗肌四顧怵惕六龍何其陰沍

罔極四解

噫嗟歌

正德庚辰作

疾風揚波陰雲載途噫嗟孰使雷霆孰秉戈爰噫嗟含沙
射人陸地沮洳噫嗟群鳥詭鳳嫫母醜姝噫嗟申椒棄美
蕭艾同儲噫嗟黷貨肆流爾車爾徒噫嗟虐吏殺人無罪

率逋噫嗟皇天殫怒是僂是屠噫嗟

公無渡河二首

畏虎不上山畏蛇不入淵河廣且惡毒沫千里去不一
還公雖無千金之賞羹藜茹藿足活爾生柰何赤身被髮
而橫行汝力有底河廣無紀陽侯縱憐汝不得救汝死

河水瀾瀾戟石祁祁公無渡河嗟嗟乎險危樂宮伏甲魚
膾藏鉞人防其顯不戒于微茂林張羅平地風波觸目殺
身况彼黃河公之往矣我心悲往而不返我安適歸嗟嗟
乎公胡弗知

臨高臺

臨高臺以望宮闕鬱何壘壘阿房複道三十六高高上薄

芝園定集卷四

九

青天開下有盤龍舞鳳之雕楹其上捎雲掛斗之飛甍但
見群鳥不敢度四顧相徘徊山東六國爭虎戰咸陽宮闕
俱成灰狐兔穴其處黃雀啾啾哀堯舜垂衣茅茨土階峻
宇雕墻乃為禍胎我非板蕩之臣柰何坎壈而傷懷嗟嗟
乎臨高臺

王子喬

王子喬乘雲馭氣上遊遨上遊遨七月七日辭親友翩翩
鶴背吹紫簫吹紫簫賓天門栖遲玄圃養道真芝房石室
乘崑崙乘崑崙列仙家桃樹千年始一花糝和王屑醉流
霞下來遊御靈槎御靈槎望之得見不得攀親戚恍忽空
谷嗟空谷嗟睇八極離汝塵垢仙可得仙雖可得汝尚不

力終年齷齪如視中之蟻蟲厭飽腥穢竟何益

戰城南

朝戰城南暮戰城北矢若飈飛戟如蝟積晨起裹創血淚
沾臆營中振鈴帳下蓐食城南舉火城北揚旗將軍如虎
偏裨如羆衝堅陷瑕什攻五圍血流野草肉掛枯枝我聞
有道四海寢戈桑乾草青條支不波北歎呼韓南制尉佗
魚麗雲屯被甲則那

出塞曲

烽火馳沙漠邊城急羽書龍泉騰碣石繫弱控飛狐六郡
材官厲三秋駙鐵徂不愁胡未滅直為繫單于

關山月

芝園定集卷四

十

東海水輪出西川桂影多子開玄菟郡鏡轉白狼河亂角
驚城鵲清霜照鐵戈胡塵猶未滅戍客柰愁何

搗衣篇

鼓鼙襲夜何其月白露白風淒淒闌干北斗映南箕莎鷄
入戶流螢飛鳴玉珮步瑤墀揜皓腕出鳳幃念君不歸搗
君衣心煩力疾雙杵揮寒影散亂聲參差輕綃舉繡帶垂
調玉節淚交頤庭柯葉落烏夜啼流音四轉聽者悲熠熠
魚舒錦出自流黃機裁為合歡被夜夜待君歸君今未解
黃龍戍賤妾年年空搗衣

野田黃雀行

渴飲野田水饑食野田粟辛苦哺兩雛知止復知足君不

見高樹之巢風吹落人烟所湊網羅惡深山大澤聊足安
天長路遠心不樂

結襪子

岳不言高海不言深周公下白屋天下乃歸心月之從星
不損其明龍之蟄淵斯耀其靈王侯雖云貴貧賤未可陵
士易詘名難成嗟爾漢廷之人慎莫驚漢庭何有爾公爾
卿得則九鼎重失則鴻毛輕皇皇黼黻奕奕華纓彼駕車
而馳馬譬若朝菌之揚英結襪子禮王生張廷尉名乃成
漢廷之人慎莫驚

江南曲十四首

儂住大江南君家大江北生長不相知江頭見顏色其一

芟園定集卷四

二

瑤草秀丹翹青雲耀錦閣朝見芙蓉開日暮芙蓉落其二
駉馬金絡頭寶帶雙吳鉤自言五陵客彈射着雲流其三
采蓮復采蓮蓮塘清見底前有鷓鴣遊後有鴛鴦戲其四
月白鸞簫細江清龍笛鳴長千里中兒打鼓賽江靈其五
捕魚橫塘濱舶多不施吾南風忽來吹移舟向前浦其六
雪裳翠羽蓋錦纜木蘭舟逍遙神女兒三五弄珠遊其七
薜荔懸青帶芙蓉拆紫苞含南蜂作隊舍北燕成巢其八
垂垂白門柳冉冉石鼻蘭承蜩貴公子日晏不知還其九
東涯芳杜綠西渚蓮葉紅瓊英若可贈徙棹及秋風其十
白玉為杯竿黃金買屠蘇碧榆蔭修沚解帶相歡娛其十一
朝隨海潮來暮隨飛鳥去生作江南人慣識江南路其十二

郎耕莫離田女織莫離機禾黍作儂食絲苧作儂衣其十三
揚旄為君舞擊汰為君歌我歌猶未竟君情當奈何其十四

從軍行二首

天王戎御自臨軒定遠親承明月環此去匈奴猶未滅不
須生度玉門關

十月初連合陣雲親將突騎斬戎君腰間斗大黃金印麟
閣終收上將勳其二

促促歌三首

促促復促促憂多歡不足但見車去時不見車來復其一
促促復促促一歎復一吁園有雙蝴蝶池有雙鯉魚其二
促促復促促調絃倚門柱郎長在門外妾長在門裏其三

芝園定集卷四

二

嬋娟曲

繆承金屋寵轉為玉顏傷妾意有何極君恩自不常朝朝
占鳳輦夜夜夢昭陽不惜千金賦能蒙一盼光

寶刀吟

幽并遊俠客百寶裝吳鉤處囊時電掣出匣有星流空抱
屠龍技未逢推轂收何當承尺檄一為掃旄頭

昭君怨

自知心似石況以貌如花詎意君王誤和戎不在他驚魂
迴漢塞血淚墮胡笳青塚空遺骨單于莫浪誇

烏栖曲

白日下虞淵烏栖繡戶前終宵驚月語寒影拖霜眠何人

憐嬾婉獨自惜嬋娟萬里龍沙戍鳴笳若箇邊

搗衣曲

不愁邊信斷只念戍衣單暗淚揮霜杵飛魂逐馬鞍無風
音亦慘有月影俱寒何似林棲鵲晨昏自合歡

鳴琴曲

掃榻弄柔絃清宵取次彈淒涼驚別鶴宛轉奏倚蘭宮殿
從心變鍾期入耳歡不勝思遠意曲罷起長歎

秋夜長二首

木葉蕭蕭下沉沉沉夜未央無端頻展轉有意愁參商屢斷
華胥夢空懷杞國腸曉將明鏡看一倍鬢毛蒼

天上金行肅人間枕簟涼思情轉轉愁緒繭絲長玉漏
斷還續城烏棲復翔南華自有夢迢遞落何方

芝園定集卷四

十三

俠客吟

壯士樂橫行交驩六郡英追風馳騾裹逐獸臂胡鷹然諾
千金重捐生一劍輕長歌易水曲終不愧荆卿

白頭吟

琴瑟本相親拮据忘苦辛但知憎白髮那復念青春篋笥
藏文綺粧臺積鏡塵還將嫁時服留與後來人

紫騮馬

駿馬鐵連錢天閑服錦韉鳴鑾過上苑從幸入甘泉伏櫪
何多歲鹽車不受鞭空將千里骨死後得人憐

芝園定集卷之四終

芝園定集卷之五

雜歌體目錄

沓沓歌

宣府將軍歌

河漲歌

原上歌

青山歌贈蕭封君

瓶山歌

公子歌

涿廉謠

嗟哉吟二首十字至十字句

留郎曲

逃民歌

閻闔歌

歸來辭

懷哉歌

江之樹

款乃歌

禽言八首

陌上柳

芝園定集卷五目錄



芝園定集卷之五

雜歌體

沓沓歌

沓沓歌伊誰何我有長吏黠且和紆紫綬被朱羅高旌華
蓋赫若那私宅設網公堂張羅胥史恣不忘丞尉奈何他
汝今寃苦且莫辨有錢者右無錢搨沓沓歌伊誰何

逃民歌

來逋逃來逋逃茹藿烹藜腹頗領以朽出門豪家打縛入
門妻子煎熬昔饑官府賑我今饑官府禁我來逋來逋率
彼荒野野死飮鴟鳶獄死飮蟲鼠野死僥倖尚可脫獄死
則死誰賞汝

芝園定集卷五

宣府將軍歌

正德戊寅作

宣府將軍號雄駿彎弓殺賊應弦盡盤矛躍馬疾飛電出
則當鋒還後殿虜衆如雲屯近邊將軍赫怒揮龍泉峭放
砍虜虜宵遯牛羊橐駝都棄捐虜衆且候不虞百乘死將
軍屠廟堂大臣諱邊禍將軍將軍狂失圖死沒不吊生者
邀以嬉那不駕車騎馬甘為原上之枯齒君不見烏號戈
風吹沙小王子來耶投戈逃投戈逃

閭闔歌

閭闔高高不可以頰鳴鴉鳴鴉誰教爾張翅翅之張兮喙
復長兮翳陽精兮天狼光兮

河漲歌

河汎汎濁流不見日東沱西溼鼃鼃自出舟之軒軒于彼
樹顛柁之曳曳于雲之裔風蓬蓬兮忽以南忽以址突如
汨如喧崩轟以觸噫嗟噫嗟誰為破爾膽欲行不敢

歸來辭

釣之竿曳魚遐遊以逝車之輪班班澤行泥泥山行多
顛彼蓬蓬者何鳥其盤其旋破巢攫鷓鴣而鼓翼颺哉翻
已焉哉懷之長兮蟲不可攘兮韞羈自力謂汝不德提戈
穀弩汝伺汝賊帽兮啞兮汝山有芝田有穀兮又安用終
祿兮

原上歌

虎電電狼狽狽帶刀穀弩行逡巡械尔虎阱尔狼原上草

芝園定集卷五

二

青牧牛羊

懷哉歌

畢之長兮不如奎之祥兮豹之澤兮不如驥之德兮樂樂
者棘不如松栢之直兮懷哉懷哉疇之式兮

青山歌贈蕭封君

青山兮羞我綠水兮層波朱鳥兮上下玉樹兮交柯山有
人兮考槃滄玉屑兮弄潺湲荷衣兮籜冠紉之兮紫蘭彼
簪綬兮何有徒忍尤兮抑首睠鳳羽兮高飛焚樹蕙兮盈
畝歸來兮山中駕白鵠兮驂龍丹丘兮射人聊與子兮從

容

江之樹

江之樹鬱離離江之水清且漣漪上有三青鳥下有雙文
螭美人瓊玉床葯房辛夷楣時飲清流飡紫芝木蘭為車
鳳皇承旂凌雲躡霧不知其所之翱翔天帝側寶劍光陸
離歲莫歸來兮青猿白鶴與爾長相期

瓶山歌

龍之川波粼粼中涵日月蕩無垠龍之山黝糾而盤旋青
霞紫霧映層巒嗟爾銀瓶何筴薛莫玄精兮揚瑰竒羅星
辰而在腹句中有不死之靈芝山中君子爾何為逍遙騎
白鶴驂以雙虹霓朝游飡沆瀣夕飲瑤池酒排天門兮朝
紫微天皇顧我賜寶籙仙人與之相遨嬉相遨嬉贈我黃
金印壽以白玉卮青瑣文窓相燦爛碧雞金馬羅軒墀絳
節行春徧寰宇白雲待君君不歸芳椒成堂桂為棟紫壇
蔭壁青蘭衣瀛洲幾見三花樹與爾千秋萬歲期

欸乃歌

天蒙蒙兮日將升欸乃齊起榜兮櫓朋朋欸乃江水黑兮
霧露蒸欸乃我把柁兮爾舖糜欸乃嗟嗟估客條而往條
而迴欸乃灘高水深上復上兮欸乃前村舉火暮將餉兮
欸乃北風吹沙莽蕩蕩兮欸乃

公子歌

相公當國公子橫行匪官匪吏匪公檄爾徵胡駕大舟胡
揚高旌驛傳促供州縣索兵貪如豺狼驚如鷹我不上前
遭怒刑嚇人欲死狐假虎靈時來如火炎運去冷若冰官

家門戶豈長保猛虎之皮人汝乘

禽言八首

凍殺我凍殺我天明累箇窠慎莫誇得過且過鳳凰不如

我此號寒蟲也
汾晉間有之

提葫蘆盛酒漿我父我母齊壽康官府不促迫歡樂不可
當

行不得哥哥南山設阱北山張羅延頸鼓翼嗟嗟奈何

姑惡姑惡織素嫌遲織縑嫌薄左亦不可右亦不可新婦
在家母言不理今逢姑怒苦苦殺我

播穀播穀爾莫斬爾勞爾腹可掬官府不饒
喚起喚起鷄鳴天欲曙大郎藝麻小郎種黍

芝園文集卷五

四

不如歸去腹有戈矛唇有弓弩汝若不歸人將屠汝

瘦兒瘦兒采薪衣體坎土蒸藜棲則蓬棘出則狐狸叔兮
伯兮汝若告母母寧不歸

涿鹿謠

涿鹿涿鹿沙深折軸大風拔樹雞飛上屋行人之苦且莫
悲聽我涿鹿居民詞高原多旱燠十年無一熟去歲幸收
成妻兒猶未贖官司鞭笞急舊逋晝夜徵點還備胡東西
車馬亂如簇新芻秣馬丁作夫錦衣玉食憐者誰城門懸
鼓槌鼓槌寧從他郡死不向涿鹿居

陌上柳

陌上柳陌上柳春風披拂長短條不知攀折誰人手為問

去年折柳人今年柳發歸來否雉朝飛車鞿鞿柳花飛飛
愁殺人

嗟哉吟二首一字至十字句

噫嘻何事長悲渴飲水饑餬糜東籬采菊南畝掇芝出門
逢所親把臂申其私今日頽垣敗壁他時高臺曲池頽垣
敗壁猶尚可東門之犬愁殺我餘桃矯駕以為忠愛色衰
寵替逃刑何所人生得意叱咤生風雲箕穎之夫洗耳那
得聞嗟箕穎之夫洗耳那得聞

哦歌咄嗟奈何踰太行渡黃河破舟折軸不斷經過何如
市朝內平地起風波今日乘軒建節來朝法阱禍羅轅下
之駒衆所悲主父五鼎終何為伊誰乎淵潛而山棲衆方

芝園定集卷五

五

競雄而獨守雌人生禍福由來無定端君今甘苦戚休自
知之不聞郭令公功成而身退貴寵之極終罔玷於舊危

留郎曲

三月以來無一晴郎今欲行猶未行日日鳥啼行不得郎
心不定妾心驚芳花盡被淫雨妬如出門只尺迷毒霧風吹
白浪立如山勸郎莫問江頭渡哀猿叫月不可聞妖蜮銜
沙詎知數深林魍魅巧弄人百尺長蛇斷行路黃金之印
大如斗數竒不得懸君肘有時錯誤犯刑書咄嗟那復保
身首此時遊魂何處歸此時空房難獨守不如炊黍且蒸
藜相對繩樞與甕牖

芝園定集卷之五終

芝園定集卷之六

五言古體目錄

雜詩九首

顧司勳館中夜集五首

寄子楊四首

懷顧司勳三首

贈教子發四首

送彭道顯三首

相逢行貽甬川祭酒

送張子言二首

送方世佩四首

夏日偕鄔佩之石廡伯集顧司封館二首

送舉之提學四首

北征雜詠十一首

邾城行

雁門行

寄訊南禺

詠歸軒

芝園定集卷六

一

聚奇樓

品山亭

欵仙所

舒嘯臺

步虛亭

武陵莊雜咏六首

二月朔雪飲東明山館

月湖精舍燕集得涼字

披雲閣對雨

積雨簡嘉則

芝園定集卷之六

五言古體

雜詩九首

亭亭山上松灼灼園中葵粲粲都人子采采羅裳衣徘徊
臨大道揭揭車輪馳芳草有消息行人無返期容華未云
落膏沐何當施恩愛豈獨薄錦衾予自為願言加飡飯慰
安長渴饑倘君勿棄捐長奉黃髮年

東風吹野草皎日薄郊坰丘中有逸士荷鍤事偶耕朝食
巖上華暮采隰中苓青雲為帷蓋白石為軒楹親暱相讌
樂懷此黍稷馨雖無五鼎貴庸樹千秋名其二

鹿豕萃深谷睢鳩在河梁民生有匹偶眷言悲參商山高

芝園定集卷六

亦有逕河廣亦有航君如懷婚媾誰謂道里長昨聞晨鴈
鳴今見玄鳥翔時物數遷化携手安可常芋衣酬縞帶寶
劍懸枯桑結交無故新永矢勿相忘其三

汎汎中流客攬衣相控語優游南海濱懷筌遵枉渚風波
日以厲同舟互猜沮言返故鄉域力耕藝稷黍瞻彼滕壟
間沃沃生長楚日月不怙居歲晏孰華予去去屨長薄言
采薇與藿其四

南山有巨石難為瑚璉姿東林有樸檉不作楹與榱匠石
豈余尤受形良不移椅桐制琴瑟被之絃與徽清音擬師
曠逸響邈鍾期幸托君子御素質諒有施其五

魯鳥蒙寵渥丹臞煥以深郁郁列鼎食皦皦金石音奉養

豈不厚微軀固難任澤雉艱飲啄畜樊諒非心玄豹矜文章終隱雲霧林如何達路人干戈日相尋邈彼漆園吏毀軌良足欽共六

盈盈舜華姿楚楚蜉蝣衣晨興逞榮耀日暮已喪之托生覆載內奄忽何能持朝為遊俠客夕作溝中骨尊貴等埋沒雍門亦懷悲微鳥尚可化金石尚可渝胡為繫良驥坐使流光馳共七

有客戒徒御薄遊遵西郊言歷羊腸坂丘壠何岿峩晨風懷好音葛藟施枯條我馬不能進道路逶且遙昨與故人別歎血為父要秉心諒匪石黃金詎能招但恐青蠅興坐令白璧消願托圖南羽乘雲以遊遨共八

芝園定集卷六

二

鸞斯介樊實杳杳唾鷗鵬神龍銜靈異覆為豫且輕物類有如此羣動安可貞握粟行廣屢不逢季主明邂逅同心友執手徒屏營蹊徑翳荆棘周道塵冥冥徘徊仰天歎泣下沾冠纓共九

顧司勳館中夜集五首用西方有佳人為韻

日晏天宇廓明星暫城西高閣流鮮焱清歌屬皇堤婉孌二三子遵林眇璫枝相知不在久為樂須及時

仲夏盛煩垢浣濯以自涼中庭遲明月與子陶一觴城南有清浸信宿雙鴛鴦晤言永茲夕旅食均殊方其二

病客倦修日屆夕駢良友玄草入層軒薄雲霑高柳幸茲茂世諱相與省中疚強徵身外名汨沒亦何有其三

達士耻嬰物庸夫多妒懷眷眷同袍子中廣不可涯
讌讌泱言咲忻茲夜氣佳轉貯鏗燭光耀燿流前階其四
俛仰皇宇中騁志為何人擾擾事行役百歲多悲辛莊生
逃富貴陶令耽賤貧瑤華在深谷無為鷺風塵其五

寄子揚四首

朝登白門坂遙望西江湄江流何滔滔遊子有遠思秋風
濯芳桂木黍偃東菑役役胥塵網會面安可期禽鳥羣往
復日月互盈虧如何水擘隔暝明令心悲

君子遠行役辛苦萬里途賤妾守空閨殷勤事錦繡商飈
屆莫節莽莽草木踈寂寞吾已矣飄零子何如采采東籬
菊側足以踈踰

芝園定集卷六

三

鮑子亢高義委已殉窮交范侯敵怨者臨難懷綈袍况我
同盟子忠信故所徼昔別承明陽中心一以切猶如聯棲
翩翻為兩地巢寄言勿相思相思徒鬱陶

對蕙南山下蓬蔓故相繁剪蔓恐傷手蔓長蕙不生白露
萃百草天高夜氣清佳時難屢遇淹留亦何成逝將適樂
土途遠不得征君心諒不遐悃款示周行

懷顧司勳三首

高林有黃雀繞繞相追呼朝遊野田間夕宿城之隅如何
遠行人夙夜無寧居修途紛雨雪何以進輶車重憂衣裳
單風霜薄君軀君行日以遠吾貌日以癯貌癯不足惜但
恐會日疎

皇邑百萬家修飾相為妍燕姬一下乘誰不歆令顏援
奏清曲妙響入雲端聞者固多喜妬者生讒言魯連恥商
賈周史尚深玄材美易翦伐壑處斯永年駕車亟旋止沈
嘿以希賢其二

有鳥西北來遺我文錦囊錦囊何所有君子陳令章念我
邁多患榮名徒自戕日月如流電年壽等朝霜白璧貴無
瑕羔袖非所感感此切中腸臨風起徬徨飛鳥逝已遠出
門永相望安得菌桂枝貽子山之陽其三

贈教子發四首

美人在東谷榮耀世所希伊昔阻關梁竭來共軒墀褰裳
策駑馬日夕往從之皦皦金玉質粲若桃李姿相知信云

芝園定集卷六

四

樂離別在斯須棲遲豈無偶嫵婉心自知願言保貞信白
首良不疑

青雲下修坂白日懸城隅交衢羅冠蓋徒御夙輶車對子
不能食送子不得俱君為千里驥余為櫪下駒君若雲間
鵠子若水中鳧形影豈不懷羽翼不相如言采芘上蘭與
子聊踟躕其二

葛生南山陽綿綿蒙于棘枝蔓得所依茁葉繁以碩惜哉
飄風發零落竟安適平生心腹交自信金與石如何南省
郎忽作西京客積雪明林臯孤鳥翔衡軌君行有時休離
思安可極其三

驅馬嶠函路瞻望泰華峰下有白蓮池上有青芙蓉平厓

摩日月高嶺盤蒼龍君行拂雲霧玉女遙相從洞中有紫
芝服食長冲融君如念病軀遺我江之東人命不可為恩
愛良無窮其四

送彭道顯三首

侵晨上高臺纍纍見青楊楊生夾廣池中有雙鴛鴦鴛鴦
鳴喈喈飛舉自成行如何同心人浮沉不相當春風吹天
棘展轉道路長燕雀東南飛鴻鴈西北翔轅馬顧徘徊引
領遙相望

上山朝采薇下山莫采蕘采之不盈掬何以遺所思所思
遠別離相見詎有涯驅車復驅車睠彼行路歧白日無淹
晷浮雲逝何之願以瓊玉璫酬子青桂枝其二

芝園定集卷六

五

澤南亦有虞澤北亦有虞如何鳥獸林今為羅網居習習
各自謀遠近居然殊近者恒惻惻遠者恒次且榆枋有不
厭空視光景徂焉能傳修羽上與黃鵠俱黃鵠摩蒼天斥
鷃將何如共三

相逢行貽甬川祭酒

與子同根樹枝幹夙所依東西互飄泊寒燠歷遷移交游
盛宇宙何如我所思長風戾羽翰夢想觀容儀豈期前門
駕改轍復來茲水深秦淮汜草長鐘山陂相逢學衣帶歡
極難為辭盛衰鑑毛髮人代多參差金壘酌旨酒列席薦
芳粢中庭擷萱草庶以飫周饑

送張子言二首

溫風浹南極庭宇育螽斯青螢興野草菡萏流華滋登子
白玉床奉子黃金卮三星燭下土四座揚光儀俯眄龜魚
出仰瞻城闕熙宿昔夢顏色行役苦多岐知言感千禩握
手不踰碁白駒逝難繫寤歎獨獻歔

東山美衆木作室用其良文沼生芙蓉君子以為裳曳裾
聊躑躅振羽相翺翔皓月鑑殊品麗藻揚天光四國盛芳
草尔何懷故疆夏涉孟豬澤秋放燕山陽宮徵諧金奏黃
流注瑤觥出處各有為偃仰無永傷其二

送方世佩四首

秣馬橫塘郭肅徒鍾阜陰東山朝發日江介鬱蕭森執子
羅裳襦贈子雙璆琳傾盖昔如故歲月迭已侵出入同朝

芝園定集卷六

六

署逍遙步華林不謂中垂隔習懷好音信誓諒不改山
河阻且深

鴛鴦宿蘭渚邕邕鳴道隅與子出盤遊惠風清且舒容與
清江瀆采蘋復采蕪僕夫駕言邁攬轡互躊躕南北不同
氣寒暑更相逾行行慎霜露力保千金軀其二

浣彼椅桐樹童童覆河曲根生達下泉浸灌苦不足小人
戀儔侶君子眷明德處者何次且行者何促迫迺遷周庭
隅列饌不遑食遽欲凌風飛環顧無羽翼願為芳草枝從
君薦寢席其三

高臺風露涼草樹光旖旎酬酢未及終前旌已載起跋蹠
踰都甸信宿承明里丹青儀彩翮雅頌諧宮徵庶秉寅清

節策勲自茲始簡書豈不畏契濶將何以幸垂金玉音猶
來尚無止其四

夏日偕鄔佩之石廉伯集顧司封館二首

青楊翳修術華館遡通渠鳧鷖夾岸翔繁藻繽紛俱中有
高人宅篋笥富詩書開軒納賓客水陸充盤盂既諧琴瑟
好並坐接璠璣酬酢方自此撫影良躊躇吁嗟蟋蟀咏不
樂將何如

有散不在俎有酒不在觴與君兄弟親共此明月光朱霞
絢層漢熠燿流衣裳清飈來徐徐蕤芻揚其芳西鄰綺羅
子吹簫鳴鳳凰今夕良讌會歡樂殊未央

送舉之提學四首

芝園定集卷六

七

清風動江介廣路曜朝曦執子羅裳袖送子南浦湄青旌
為前導左右從文螭上堂介眉壽下堂奏埴麓人生各有
樂嘉慶良獨希征夫懷靡及簡書戒懷歸夙彼東山駕勿
為故鄉羈

霜露被野草密葉辭高樹斯螽逼戶鳴鴻鳥凌空逝晨興
攬衣帶惻愴臨往路昔別逾八年疾病不殊故相逢不須
史促駕一何遽丹霓映白日青雲廕修渡肅肅望遠征河
廣不可逝蘭蕙有銷歇盛年難久駐願保金玉軀莫使玄
髮素

弱蓬以麻直素絲以染移自慙凡卉質蔭此松柏枝風雲
不相當中心悵有違豈無他人親不如故所知獨行懷杖

杜授餐念緇衣躑躅屢歎息僕夫顧徘徊邇者長親近在
遠長相思

文章振華胄羽翰薄青雲出入麒麟殿待詔金馬門既典
絲綸職長為黼黻臣良田敗邪徑資養傾芳蓀玉石不同
性進退各有因達人有高尚識者察其真行行樹梧梓爨
鼎銘功勳

北征雜詠十一首

弱齡東遐尚抗志在青雲沉淪耻丘壑抱璞干明君注籍
麒麟殿鳴珂鷓鳳羣要津非所托好修亦有聞蹉跎糜鼎
餼流光轉朱輪頃令容髮改未階尺寸勳伐檀古有訓負
乘安足論願秉羔羊節歲晚意彌敦

芝園定集卷六

八

客寢不能寐舊慮雜新思申旦雞初鳴呼童理裳衣初日
照疏牖倉皇臨路岐風塵塞四野車馬若雲馳去者未云
息來者復如斯鼎鼎百年內形神空爾疲顧彼蓬蒿士旦
暮偃荆扉蒸藜以為食編麻以為衣不知有朝市豈復辨
雄雌芳餌非所羨網羅安得施其二

宮觀鬱玲瓏雙闕儼蓬萊鮮霞流貝錦白日無纖埃中有
仙人居逍遙列三台崔嵬切雲冠黼黻爛瑤階華光粲八
極鈞樂動九垓下有麻姑女綽約非凡才明珠間文具麗
服手中裁上宮思薦御理弱難自媒徘徊扣天闈日晏不
得開明晨欲有謁滿路生蒿萊其三

養鳥莫養鸞藝麻莫藝蘭芳香難為用過美多憂患田甲

賤死灰白日摧冰山時運有來去禍福無定端周道蕩如
砥朱門競彈冠咳唾生風波誅奪在一言日月不常盈人
生豈得安樓樓巖穴士無為耻泥蟠其四

層冰亘陰壑飛雪灑道周衣厚不為薄北風吹颼颼羣鳥
各求匹上下鳴啁啁栖顧徒侶戚戚念朋儔驅馳三十
載坎壈懷百憂改錯豈不易夜光終見收結交莫附鳩升
木莫附猱高門懸藻鑑龜勉事徽猷寧學伯松子巧奏取
封侯其五

客行千里道客懷常草草道逢所相知執手共傾倒珠樹
本同棲飲啄不同老矰繳各有傷金石還自保相逢且莫
悲世路多嶮巇集菀未為得集枯未言非清尊對明燭盡

芝園定集卷六

九

此金屈卮踈鐘布涼月星河垂樹枝颺當復遠別豈復惜
斯須驪駒臨廣路一步一相思依然百念結坐使鬢成絲
其六

白日麗高天萬方鈞照臨但能照人影不及照人心人影
有時離人心終不移如何申椒芳化為葦與菼感此長歎
息淚下忽沾臆願將白日光來照金與石其七

羲和無停軌寒暑更相易歲暮誰不歸獨為遠行客荆榛
當路衢烏鳶翔我側疾風吹沙塵白日忽以匿筋骨既憔悴
悴感此增怵惕悠悠赴壑鱗戢戢歸林翼物性有如此行
役不遑息閭闔不可攀聞風不可即果腹適莽蒼浩蕩將

安極其八

犛牛不為麟西施不負薪貴賤各有尚知者察其真周公
下白屋天下乃歸仁田實相傾奪玉石俱見焚大雅東明
哲富貴成浮雲昨日趨蹌地今為灰與塵濟濟鴻都士何
者結交親我欲竟此曲此曲難具陳其九

東澗結層冰西澗涵清泠北枝方委葉南枝已含榮本是
一氣物炎涼不同形何況雲間翼翻飛豈能并朝客孟嘗
門日夕投信陵得意膠漆歡失意尋戈兵仇多終自賊豈
獨喪其朋不念王貢交千載揚芳名其十

三星澹河漢微月逗霜林有美西鄰子當軒調素琴一奏
雲和曲再奏太始音三奏倚蘭操四奏哀鳳吟調高終寡
和曲怨愁人心伯牙既寂寞子野亦淪沉旁人自不察一

芝園定集卷六

十

曲直千金共十一

邾城行

朔風吹枯桑原野莽蕭疎烟火香不接十室九逃逋鄉土
豈不戀官司急徵輸上有貪令尉下有黠里胥膏血寧幾
何浚取乃及膚親戚不得顧豈復念田廬空囊擔破釜黑
夜牽妻孥白晝但伏匿奔走不遑舒亦知不免死且復緩
須臾頽垣栖鼠雀長隰翳榛蕪隣邑亦以然王賦將誰需
寄與長民者為牧不為屠

鴈門行

中原飛羽檄烽火若星流千郡盡徵發將軍急防秋胡騎
度鴈門百萬屯代州降人為鄉導深入恣窮搜膏血程野

草白骨成山丘室廬旣焚蕩子女皆俘囚今棄不懲創後
者誠可憂多壘古所耻制勝貴先謀有道屬金盛干城皆
好仇何當弘遠畧不戰落旄頭

寄訊南禺

多才為衆忌守道乃長貧昔也聞其語今茲見其人聰明
本天縱曠識窮八垠研探盡墳索高論富經綸一擯東海
隅濩落不復伸親識不相顧旅食經四春粗糲不充腸裘
葛不蔽身固窮秉高節飲必樂天真舉世好畫龍婢娟充
下陳齊門空鼓瑟抱石自沉淪明月逢按劍披裘甘負薪
自古皆如此非今獨苦辛君其愛玉體無求還自珍不見
回與憲千載揚芳塵

芝園定集卷六

二

詠歸軒以下為茂嶼莊作

入林苦不密入山苦不深以茲營別墅傍水復依林捲幔
群峯逼開門綠樹侵芳郊挾童冠步步愜幽尋烟霞敷錦
績百卉間珍珠樵歌白雲上衆鳥懷好音芙蓉挺朱萼澄
潭鋪翠陰耳目不暇擇異狀足賞心歸來詠窈窕拂石彈
鳴琴舒襟明月下托夢在巖岑

聚奇樓

世人寶珠玉往往身殉之佳山與麗水誰復羨其奇余本
丘壑士烟霞夙所怡結樓清溪上青山匝四維雲宮接水
殿瑤草雜瓊枝丹碧紛紛見星河面面垂陰晴多異賞陟
降窮二儀離朱不易辨繪畫總難施萬狀歸目睫百寶收

斯須葳珠與懷璧妮妮徒爾為

品山亭

園林奠山麓宛轉切河滙虛亭抗其腹詭異畢前陳羣峯
莽回互窈窕結芳隣如屏復如障為蓋或為茵甲仗左右
列旗鼓亦繽紛微竒不下席獻秀靡朝昏人貌有榮醜山
容無故新竭來舒眺矚一一品其珍遯跡豈逃晉離群非
避秦物外得所適聊以全吾真

款山所

方池淨漣漪上有仙人衙楹棟不施繪梧竹紛交加空茫
絕四鄰彷彿如南華眷言集同志玄覽窮幽遐安期棗未
實方朔桃始花何用供朝夕山中有胡麻左手承沆瀣右
手接飛霞棲遲復容與八極浩無涯言御列子風復沆張
騫槎俗駕不敢窺庶以謝紛拏

舒嘯臺

孫登遯蘇門阮籍徃希之余亦秉微尚選勝披荆茨青山
出曠野突兀臨四陲銀河掛蒼壁長虹閣樛枝曲澗經其
下輸雲落清溪扶筇一登陟心神曠以怡仰天發長嘯習
習和風吹泉聲叶琴瑟谷響答填麓宇宙知何物寧論時
節移何當婚嫁畢言采商山芝

步虛亭

其上不在天其下不在田青空橫碧巘非霧亦非烟瞻茲
極幽賞琢石亭其巔四周不施壁眺睇窮八埏捫松出雲

背舉手接飛鳶道遙參日御恍忽揚風鞭浮丘為我右羨
門為我前天門且不礙下界何拘攣世人徒局促達者乃
稱賢安得無懷氏携手相周旋

武陵莊雜詠六首

秉頤物外遊結忻在何許覓路辨青山沿洄遵枉渚丹丘
忽戾止烟霞密如堵中有千年松滴翠紛成雨叢篁茁新
玉樛木羅珍羽眺聽不勝奇日夕憺容與

十畝幽人宅不屏亦不垣逶迤雲作徑宛轉竹為樊孤亭
抗木末百卉互糾蟠方池淨漣漪脉脉通仙源荷葉雜藻
荇其上有蘭荃采之欲遺誰道遠難為言

昔聞桃源勝今葺武陵莊為林亘水曲結屋依河梁下有

芝園定集卷六

十三

鷗鳧戲上有鷓鴣翔羣峯戰翠壘白日絢霓裳清溪無過
客漁郎出其旁相逢不相問擊楫歌滄浪

芳園誰所治草樹鬱以蒼山川自不易主者何難常呼童
理荒穢選地時其良繁卉為屏障丹碧儼成行艷色奪人
目馨香襲衣裳徘徊不知夕明月揚清光

河水何瀾瀾白石何齒齒誅茅以為宮閒曠絕間里雞犬
不復聞漁樵時至止碧巘插雲端銀河投澗底苔生階布
繡花發戶施綺况有蟲鳥鳴彷彿諧宮徵

未成輞川勝頗有奇章石虎豹靜生威鸞皇矯舒翮丹碧
綴千峯過雨淨如滌霞綵誰為裁波紋亦自織樵歌隔叢
林農唱錯阡陌于茲弄雲烟兼得藝黍稷

月湖精舍燕集得涼字

玄冬屆海澨，凄其北風涼。有美騷雅客，翩翩集華堂。蒼雲尊前亂，白雲攔際翔。坐聽滄浪曲，起視明月光。

海山何蒼蒼，湖水何泱泱。興言命儔侶，傾此白玉觴。青松漏華月，碧草冒繁霜。衣裳豈不厚，暮夜不禁涼。

披雲閣對雨

仙山無盡藏，結伴肆窮披。平林錯綺繡，積水浮玻瓈。流雲不出戶，飛雨羅四陲。綠疇破翔鷺，青天走陰霓。何當驅屏翳，頃令暘谷暉。

積雨簡嘉則

陰風吹宿雨，陰霧幕庭墀。怯寒花委砌，避濕鳥分枝。天暝

芝園定集卷六

十四

非因夜泥深，不辨溪親賓。斷來往，孤負黃流卮。兀坐悄無聊，一賦愁霖詩。詩成再三歎，四顧將寄誰。為語雲棲者，啓戶當知之。

芝園定集卷之七

五言古體目錄

十五夜餞東洲公用明月皎如畫為韻賦五首

秋懷詩十六首
武祥館翫月因泛舟二首

東觀偕呂太史潘司勳陳秋官石武部餞陸伯載得

手彼高岡韻四首
送况翰臣二首

送田叔禾

春夜承涇野太史雍里司勳見訪得詩三首

送周八厓入覲四首
應臺詩二首贈傅侍御

感舊詩三首
送張子言遊姑孰

懷徐編修子升
行縣有懷

芝園定集卷七月錄

庚申除夕舍下燕諸彥言懷
辛酉元旦喜晴

春日始出南郊
元夕舍下與客觀燈

咏瑞香花
雪夜燕周萼厓宅

携酒見白亭訪南禺
招南禺

天台行送包參軍
訪包三川歸自天台

中秋對月雜詠十首
江行賦所見十首

郊居效唐體十首

小齋燕集以夏雲多奇峯為韻五首

餞呂尚賓歸天姥席上分得蕭字限五言古體

贈屠田仲上京謁選
君房下第歸至

芝園定集卷之七

五言古體

十五夜餞東洲公用明月皎如晝為韻賦五首

團團玉鏡滿的的金波
明熙光粲層漢素景流前庭
我有蕙蘭花送子遠徂征
紅塵驚丹轂綠柳抗青旌
馨香誓不滅
勦勉事修程

修程曠渺綿羽翼臨當別
持我夜光杯悃歎相要結
人代難久居鑒此中庭月
蟾光正及盈四五還復缺
願保松柏姿
朝華匪云悅其二

朝華豈不榮毛嬙豈不好
綽約難久妍貞心詎能保
絃促望舒翔江空淨練皎
顧影悲聚螢含暉眇流藻
為畢平生

芝園定集卷七

歡駕言臨遠道其三

遠道不可俱金石不可渝
桂席陳革階執手相躄躄
羔羊興在服至理協騶虞
經綸矢姬畢禮樂模臯夔
行行樹芳烈
光寵誰能如其四

光寵衆所希翩翩振華胄
甘棠日以舒杖杜行當遘
白駒誓難繫館餐復何授
嘉樹間頽霞華星爛洎晝
何當永茲夕湛露聆清奏
其五

秋懷詩十六首

正德己卯作

虎兕狎曠野鱗魴懷廣池
如何游客子飄蕩無返期
朝發扶桑阿夕息望崦嵫
山谷屢徂遷寒暑互推移
艱難經百務鬢髮變成絲
腰帶不盈束中心怒如饑

白露萃豐草河漢高且清招選指西極明月流前庭中有
幽思婦樹諼不及榮申椒卷瑤篋蟋蟀中堂鳴鴛帷不復
御鳳枕網絲乘常將合歡帶念此百結情其二

葦收肅時令百物慘以更烏鳶競朝唯蟋蟀夕悲鳴天運
有代謝人事詎可貞范睢遜蔡澤田蚡傾寶嬰懿節苟不
立身名竟俱零其三

幽澗冒華蕤晨風戾北林曜日朱莖墜擁條哀猿嗷征行
感物變淋浪淚沾襟拂雲坐白石弛轡彈鳴琴高張協清
徽惻愴有餘音鍾期苟不作己矣懷所欽其四

金華有達士鍊藥青門陽白雲翳丹竈陰符秘青囊耳目
既以廢親戚安得將夜托赤松卧朝隨黃鶴翔紫皇賜玄
液長視周三光嗟彼夸父愚暍死誰憐傷其五

芝園定集卷七

二

菟絲離松栢展轉隨風翻采采蕙蘭花零露日以繁陟岵
悵行役鶴鷄鳴中原漸鴻漸羽儀羝羊空觸藩憂乘亂無
緒柔翰誰能宣其六

瞻彼野田坂鬱鬱生孤特夕陽耀朱華朝露渥芳澤商飈
中夜興嚴霜委柔殖始者不如今淒淒怨離逝君子厚垣
墉小人秉矛戟垣周足相衛敵多終自賊習習梁間燕嗤
彼虺與蜴其七

落葉不可綴墜景不可振荆榛彌路隅疾風起酸辛朝為
膠與漆夕乃胡與秦談咲起干戈桃李各有因願保金玉
姿去去勿復陳其八

晨興擊衣裳驅車驚長薄幽壑屢涸澗層阿遞繁絡赤坂
丞陰雪叢林隕飛籜栖栖城樹烏繞繞野田雀形影自相
弔臨風長躑躅其九

朝登太行坂雪滿太行山改轍渡黃河天寒水塞川處世
多網羅憂患坐相牽哲士鄙龔勝佞臣趨董賢如何卑執
戟投閣空自捐其十

日落姑蘇臺烏棲臺上樹吳王寵西施戶牖盡金鑄楚舞
比宮商艷曲凌雲度六博逞歡娛盤遊長達曙鐏鏤一以
行富貴委朝露淫康盡為虞箕顛始稱智其十一

上山莫采璵下山莫采珠明月長蒙志懷壁竟罹誅申狄
不庇身屈原自捐軀姱美為衆忌侏儒未云鄙鈞曲公侯

芝園文集卷七

三

封弦直道邊死高舉晚塵埃逍遙廣成子其十二
木落尚可榮水涸尚可盈如何逢蒿士抱藝竟無成神龍
制螻蟻斥鷃嗤鷓鴣小大各有遇得失安可憑達將連駟
騁窮即蓬累行其十三

蝸蟻不畏重蝸牛好高升涎盡不返宅力疲竟顛傾華亭
悲鶴唳上蔡思蒼鷹先寵難久恃機阱互相仍寧甘首陽
餓無作五鼎烹其十四

崩崖邃千尺峻坂造青天紆軫曾巖側飛控接翔鳶懸旌
亂心曲白日凋華顏登高在脊靡乘危豈所安王陽輕九
折班超志燕然由來功名士慷慨赴龍淵其十五

飲河期滿腹棲林惟一枝緝緝夸紕子媒禍令人嗤甘言

惑萬乘肆螫營豐貴甲第羅雲漢吐氣于虹霓風波一失
所膏火自燃臍達入不遠鑒雍門有餘悲其十六

武祥館翫月因泛舟二首

高館臨清溪溪水東西流上有琅玕樹下有鷗鷺洲青莎
間朱藻綠柳維輕舟開筵當夜涼緩坐傾芳羞素月照荆
戶華星聚庭陬懽言侍君子酣燕極綢繆

桂棹揚清漪皇堤絢華月金波交綺窗銀漢流丹闕輕霧
幕浮檣飛螢亂疏闥夾岸起層樓清歌當夜發石瀨轉透
迤鱸魴屢興沒沿泝猶未窮為懽詎能輟樂飲須盡觴轉
眴流光滅其二

東觀偕呂太史潘司勳陳秋官石武部餞陸伯載得

芝園集卷七

四

于彼高岡韻四首

蕙蒞不可變金石不可渝伊昔同心親出入承友于良辰
展歡讌鼓瑟復吹竽念子懷出宿行邁何次且牽衣屢徘徊
執手徒鬱紆幸有場中藿蔗以維白駒

飛觀城東隅窈窕臨流水密篠屯蒼烟微風蕩奇卉松栢
蔭廣庭白日麗西鄙有酒盈玉壺慙懃敘終始環顧宇宙
中寧識吾與彼食桃屢見投何以報子李言念形影單繾
綣不能已其二

燕山一何遙天門一何高風雲日千里焉知我心勞鷹鷂
驚下土鸞鳳翔丹霄輕陰有盪散微雨濡江臯相道豈不
察行行振華鐮春秋樹嘉穀無使稂莠驕其三

送子東郭門陟彼南澗岡蓮華媚清淑禾黍被河陽生作
太平臣撫景多悅康鞿旅勿懷歸簡書庸敢忘太史申明
德四座陳周行清廟薦瑚璉豫章為棟梁子其慎鼎寶爵
我長相望其四

送况翰臣二首

衆鳥出林谷皇皇求匹儔漸漸溝中水異派亦同流我友
昔傾蓋中意結綢繆出入奉選執相親為好仇嚴冬霜霰
零江水去悠悠遊子思故鄉臨風理輕舟我心若懸旌展
轉懷百憂金玉貴成器黍稷貴有秋勗哉蹈忠信中和誠
可由

驂騮服上乘千里揚清鑣駑馬屢躑躅攀轅顧鳴號騎人

芝園定集卷七

五

耽暇豫哲士有深操日月不相待道路遠迢迢金柅庸自
繫長策屢招邀媿無瓊玉英報子金錯刀驅車向長坂使
我心煩勞其二

送田叔禾

生與君同域仕與君同時空餘犬馬齡不及瑚璉姿在公
聞廣舉退食瞻光儀豈伊戀朋比好爵心自縻念子遠徂
征奄忽成睽違臨岐長太息握手淚如滋中饋豈不厭使
我怒如饑

春夜承涇野太史雍里司勳見訪得詩三首

明月麗江臯春風動高柳有客白馬來金壘酌旨酒綠水
揚露華虛簷掛星斗遺我蕙蘭花馨香滿庭牖緇衣固所

宜授餐豈予有

清時薄領稀在職多休暇寂寂春草堂宵枉高人駕
嬾嬾諧素心興言命杯筍華燈燭四隅楊柳陰庭榭願以琴瑟
歡晤言永終夜其二

青山薄虛戶黃鳥鳴河洲遨遊懷往權芳醕結綢繆子夜
各言歸緩纒還復留慚非金玉姿幸托君子仇盛年恥虛
逝善道怕相求其三

送周八厓入覲四首

孟冬天氣肅霜露日已零林木摧為株河水凝作冰行者
各懷歸居者獨遠征青龍建孤旆白馬服兩衡飄風振沙
石岡嶺何崢嶸辛苦豈不畏王務各有經日短去路長執

芝園定集卷七

六

手徒屏營厚爾衣裳絮毳勉事修程

汎汎河中水流萍離不止冉冉孤生蓬長隨迅颺起人生
非繫匏役役何能已子懷我所知我知亦惟子天寒遠徂
征倏忽不吾已埏土亦有鈞束薪亦有旅羽翼臨當分切
怛從此始其二

我酒既以旨我肴既以芬賓僚相集送冠蓋何紛紛白日
匿西汜浮雲亘長津行舟無緩棹逝駟有急輪朝為官與
商夕暮成參辰先期有心許后会良難因願少須臾留敘
此中心親其三

登途肅儔侶結軫遊皇都左手秉文王右手握明珠雲冠
何崖巍高步揚華裾君子慕窈窕光寵居然殊嬾婉既必

諧琴瑟相歡娛嗟彼蓬門士白首徒次且其四

應臺詩二首贈傅侍御

高臺起江漢上薄青冥端層巒修坂叢桂夾繁巒晨霞
映長澗春雨滋芳蘭丹砂秘金井鳳凰翔靈關雲興識龍
卧霧隱知豹班由來豪傑士倜儻驚人間

乾元啓神異地軸函靈符丹丘奠藩服玉璽鎮方隅玄宮
百千尺䟽牖文明珠靈芝耀五彩窈窕藏丹書日月懸車
蓋星斗錯衣裾下視人世間陸海皆沮洳達觀盡宇宙精
爽誰能如其二

感舊詩三首

正德庚辰作

筑筑巖穴士讀書三十春高談希稷契杖策干明君授以

芝園定集卷七

七

赤玉符命以青絲綸行行樹梧梓抗言剪荆榛嘉穀務耘
籽稂莠寧復陳青蠅間白黑讒巧傾善人黃流注瓦釜桂
樹推為薪涇渭一以合清濁疇能分徘徊長歎息鬱鬱甘
沉淪

窈窕邛鄞姝結珮紛瓌琳容顏皎霜雪皓齒揚清音慙彼
丘中麻寧懷桑下金漢宮選人貫魚承鸞衾衆女疾蛾
眉謠詠云喜淫棄捐不復御長門秋草深君王自不察之
死抱貞心無令千載下空為出塞嗷其二

熠熠明月珠披劍常蒙噴鳳凰粲九苞不與鴝鷓群絳灌
排賈誼上官讒靈均權門多齟齬貝錦恒相因閭闔閉重
關下誠難自陳侏儒不下堂豪俊多遭遠改錯易為合幽

蘭誰復紉嗟嗟柳下季坎珂良苦辛其三

送張子言遊姑孰

暑雨散林薄大江流紫湍方舟出建業緩棹揚波瀾姑孰
巖靈異龍鳳相騰騫息足峨眉亭登眺采石巔南瞰天門
日北挹牛渚泉浮丘為我右長庚為我前宜躋入窈窕複
嶺互迴旋青山抗疏宇芝草庶以妍泔澗萬里流綽約三
峯連石華紛可掇白紵渺難攀道遙謝人世衣裾錯星纏
夷猶萃遐想藻思麗幽玄靈均倘可宅圭紱誠足捐逝將
命羽翰從子青雲端

懷徐編修子升

建旆出東京結身為行旅朝遊白水湄夕宿清淮渚道逢

芝園定集卷七

八

所相識招余采芳杜我有朱弦琴按節為君鼓如何陰雨
晨瀟更成暎阻念子不能寐風波復愁予睇彼雲間鴻蕭
蕭厲長羽

行縣有懷

岩巖望神京行邁遵赤縣綽約茵桂英予之欲遺遠葑菲
不見察歲月奄以晚睇彼長路衢日落野田坂

庚申除夕舍下燕諸彥言懷

問我何所惜問我何所思盤盂錯珍膳持觴慙不怡齒骨
日以敝流光疾如馳時違成濩落跡詭慙支離修名既未
立亮節將安施宿垢莫余滌新愁如雨滋燕息豈不懷惻
愴心自知眷言二三子邂逅成佳期青燈照華髮綺席承

文標劇談申繾繾屢問夜何其歲運數祖謝人代多參差
歎鳳終已矣泣途空懷悲雌伏匪云耻全軀或在茲

辛酉元旦喜晴

積雨連旬甲層空殢繁陰荒原凋宿草曠野斷鳴禽獻歲
當茲旦朝瞰出遙岑扶桑初擁蓋大地忽舒金瑤波文綠
水霞彩冒平林卉木競新暉鶯燕懷好音官師沛休澤閭
里無哀吟太平信有象六合淨氛祲願獻明堂頌於焉被
瓊琳

春日始出南郊

我行城南野心神曠以怡宿昔凋殘地天喬條華滋謹叢
欣燕雀遵渚狎鳧鷖頽霞粲林薄朱漿蕩漣滴望海海生

芝園定集卷七

七

潤眇山山有輝牛羊齊出牧童豎吹參差隣里互稱慶酒
食為娛娖士女競新粧三五相追隨耳目異矚矚光華疇
與期生年一何幸四境樂雍熙

元夕舍下與客觀燈

帝朔布遐壤條風介滄溟占祥象緯見卜歲陽和蒸羲御
方寢曜望舒乃揚精六街沸歌舞羅綺若川騰雕楹錯珠
綴繡閣懸華燈雲霞競吐艷草木互舒英心志極歡豫耳
目紛經營圓方列珍異旨酒多如瀨賓朋歌湛露伐木有
餘情琴瑟既在御車馬亦在庭今夕樂相樂千秋協良盟

咏瑞香花

翹如金作鈿爛若錦為囊舒如舞文幘芳如蕪都梁堯花

飛廉御言登君子堂山林豈不愛懷寶非所藏惟憂鷓鴣
鳴惻惻令心傷

雪夜燕周莓厓宅

同雲翳南極飛霰集庭柯瓊花澹容與層巒遜嵯峨爰有
高人宅華萼抗城阿雕軒銀作徑委巷玉為河祥烟光瀲
灩踈竹影婆娑開筵洽賓友籩豆縱橫羅梁園昔有賦振
鷺今成歌殘更興逾劇戰冷顏俱酡豈不愛高卧繾綣當
如何遊燕諒非寡此會良難多

携酒見白亭訪南禺

瀛洲有大隱孤嶼結幽棲却客不為梁舸舟閣漁磯青雲
屯四壁列岫錯文帷栽花周曲徑濯髮臨華池亦有同心
友時來奏埴篪長謡驚燕雀撫劍干虹霓尊酒易為盡芳
春難可期明月麗高天踈星懸樹枝相看轉相戀既醉不
言歸懷抱各自知不樂將何為

小詩奉招南禺

豐隆散陰沍羲和曜其靈文藻出潛魚密竹鳴倉庚攬衣
步踈闌跋足望友生有肉不如陵有酒不如澗新栽間舊
植百卉敷前楹及此不為樂鷓鴣還復鳴願言整高駕慰
我授餐情

天台行送包叅軍

有美山中人夙尚在丘壑樵雲釣明月荷衣冠紫纁忽夢
赤城遊足躡夫容閣彷彿羣仙迎周旋相唯諾晨興戒征

徒翩翩馭玄鶴鳥道紆百盤羊腸轉紛錯青雲肘上生濕
布眉間落霧幢幕山椒霞標擬仙郭琳宮瞰天門神巖振
風鐸右梁橫絕澗欲渡還復憚珍禽與恠卉一一難窮索
舉茅坐深樹鍾乳徐斟酌幸脫塵外蹤心志無繫泊為我
訊山靈伊何為夢覺人生等浮漚嗟哉空妮媿

訪包三川歸自天台

遠不遠在野近不近在城雕軒瞰江腹天半出飛夢青雲
樊後圃白水蕩前楹珍禽耀文羽雜卉敷新榮鶴駕自天
台歸來駐仙旌酌我以鍾乳飯我以黃精搜奇譽泉石博
異徵圖經申言介秋爽挈我昇天行居然滌塵抱况乃捐
微名何當治真隱永結柴桑盟

芝園定集卷七

二

中秋對月雜詠十首

兼旬昔淫潦海甸宿繁陰望舒一迴馭素魄揚遙岑芳園
湛珠露灌木驚棲禽循簷何繾綣入室覩以深但照幽人
影不照幽人心照心亦不易何況求知音

嘯歌復嘯歌調絃奏雲和水輝屏纖翳流光燭庭柯鮫綃
罽羅羅錦障彪金波光景豈不愛駒隙易為過結髮則朝
籍鳴玉翔鸞坡馳驅自不力秉耒青山阿齒髮日凋謝骭
齧今如何晶晶匣中劍耿光猶不磨

瑤光徹層漢銀浪翻滄溟平沙暮素練疎林漏華星嚶嚶
復趨趨蟋蟀向我鳴皓月尋常見何如此夜明照眸眸屢
瞬照心心屏營照顏顏亦改照髮素絲生惟有一尊酒持

觴還自傾

零露萃百草金風振柔條層霄月亭午寒光映泐寥電敷
被八極俯鑑析秋毫豈不盛靈曜覆盆終不昭閭闔蔽誣
詠資蒸傾申椒靈均與賈傳泣涕徒為勞

層城麗紫極雙闕儼玲瓏約房辛夷楫桂棟珊瑚宮前陳
雉尾扇後列黃鸞羣仙集繁奏穆穆何雍雍我欲充下
陳蹇修屬先容可望不可即虎豹衛九重媒妁既不入信
美難為工徒令衡茅下白首怨飛蓬

水輪出滄海皎皎騰長空五緯既寢曜銀河散妖虹清輝
何赫莽蟾蜍蝕其中鈞天鞞廣樂玉女闕瑤宮竈以煬無
光鑑以塵蔽容物理有固然造化將無同光華忽來復八

表瞻蒼穹

芝園定集卷七

十二

關地山齋側榛莽躬自除當窓列巖岫種松復種梧種松
大十圍種梧五丈餘留雲日多態得月光轉舒團團張玉
鏡的的炫冰壺圓影搖空碧流輝墮清渠豪門集貴遊浮
白競歡呼不念征人婦腸斷袞裯孤

采蓮復采蓮輕舟蕩漣漪檣頭兩鴛鴦水面雙鳧鷖一摘
蓮子落再摘蓮葉稀日夕各言歸素月出江湄我歌長干
曲君唱橫塘詞露濯芙蓉花風吹桂樹枝今日樂相樂千
秋難可期

商飈滌餘暑天宇湛清虛華月出雲端委照薄窳區入林
駭栖羽入水洞潛魚盈盈幾何夕皓魄旋復虧晦明亦無

定進退何常期夜光逢按劍齊宮好吹竽相道自不察揭
揭空馳驅本無禱里智還著虞卿書

寒暄蕩瓊宇瑤彩錯金鋪熠燿流前階啞啞噪庭鳥尊中
湛醪醕水陸充盤孟良辰足歡宴伊何慄不舒皇圖屬全
盛閭里無寧居東夷未悔禍徵兵還擊胡云麼亦乘間草
竊徧寰區共言舍耒耜紛紛執戈戈何當挽繁弱一發殪
妖狐

江行賦所見十首

步出西郭門陰霖旦方收溟濛汎洪波桂楫沙棠舟輕雲
蒸淺瀨落日冒平疇深樹誰為家炊烟出林浮不見車馬
跡但見雞鷩遊柴門常反關隣叟時相求

芝園集卷七

十三

嶽岑碧山阿誅茅屋其顛青雲為蹊徑綠竹為樊垣朝暾
入卧内皓月懸梁間菅蒯可為服薇蕨可為飡昏夜無吠
虎興寢恒自安豺狼忽竄突擔糧荷戈鉞官司數徵發十
室九磬懸磬懸猶尚可突焚愁殺我

青青山上松斧也朶斯之問言何為者新禩供饗炊上不
任梁棟下不充椽題後凋有恒性雨露無偏滋托根既非
所受命良不移蓬蒿與樸櫟棄捐安足悲

山椒造雲端狹斜互迴薄層巘何鬱盤飛甍絢江郭朝見
江潮平暮見江潮落消息無定端榮悴詎能度上蔡憶牽
犬華亭思唳鶴何如枕清流終然謝也剝

旭日春洪濤灌莽翳修陸白露塗江干鴻飛何肅肅陶家

聞樵戶各自占山麓破棟出鳴鳩敝衣掛青竹小兒摘團
蔬大婦儲困粟中婦醜酒漿小婦理機軸偷此須臾安嬉
嬉亦自足

疾風吹叢棘海若驅江濤水宿不成寐鷓鴣鷓鴣庭臯總
百年內人生各有操千金戒垂堂骨靡狎登高奉父死道
賜仲蔚甘蓬蒿亨屯非有定禍福常自招君看五鼎食何
如陋巷瓢

江流何瀾瀾白石何齒齒雲深不見人釣魚者誰子手持
百尺竿垂以馨香餌所志吞舟魴陽喬胡乃擬終朝竟何
得喟歎不能已小餌以蛙蛭大餌以牛豕鉅細各有當吐
嗟昧其理羅網若宏開幽潛無不起

芝園定集卷七

古

商飈日凌厲岬夷介陰律丹楓爛如綺落葉委修術灌木
蔽叢丘中有幽人室白水經屋頭青蘿補簷隙池內有菰
蒲松間富苓水高卧夢華胥日晏不然突皓首恒若斯始
願從此畢

褰裳涉江水江水何湯湯前有鴛鴦戲後有鷗鷺翔采采
芙蓉花佩之羅衣裳江離與辟芷馨香聞路傍欲以貽所
思道遠不得將蕭艾方近昵信美誰為章水霜坐凋落惻
愴心永傷

聚落何林林結廬濱水澤丁壯事耕耘女婦司蠶織雨暘
幸及時畝收足鍾石公稅未及輸私逋相促迫未得飽妻
孥何況娛賓客萋楚自天天鴻鴈逝安適秦運倘來還朝

昏還自力

郊居效唐體十首

朝出野田遊暮向林臯宿策杖入蓬門溪雲猶在足頽霞
鳥背翔皓月江心浴樵釣共為徒庶幾鄭子谷

曠懷謝丹轂改服遵荒丘青林抗疏館碧玉貫層樓虹霓
掛薨棟鷄鶩階前遊相逢不相訊同為沮溺儔

幽居屏煩喧觸目恣遐眺烟霞茁屢奇峯巒互騰蹕宿鳥
競陽枝寒泉迸陰竅欣茲十畝官托跡亦寧窳

村居何所有歷歷多脩竹明星閣樹頭白雲飽溪腹釣月
引鱗魴樵霞卧山麓枯槁故所耽飲啄亦自足

籬菊欲辭榮林楓亦隕赤清尊湛芳醕園果繁以碩隣里
相勸酌酣歌擊白石俯視池中魚仰睇雲間翼

寄遊匪云遠清溪即故棲崇樓邀月近列岫洩雲齊鳥至
自相悅人來乍欲迷言訪蓬瀛路丹丘倘可梯

有鼓不自鼓有琴不自彈端居習清燕聞寂寡所歡寒泉
盤戶碧墜葉滿庭丹采采芙蓉花零露何溥溥

青山在屋頭流水在屋下扁舟蕩明月振衣雲葉墮醉後
忽高歌魚鳥共相詫本無疏廣金且學樊遲稼

種禾已堪炊種蔬已堪摘梧竹儼成行展矣幽人宅鳥篆
文苔階雲衣罽蘭澤翹首望長青山淨如拭

伏枕不成寐側聽司晨嗥嚴霜切重衾疾風梳敗蕉寒燠
固有常龍蛇由所遭集苑本非羨白首甘蓬蒿

小齋燕集以夏雲多奇峯為韻五首

百卉競芳妍薰風扇朱夏嬾婉集良朋塤篋迭相和流雲
閣樹頭清泉迸階下徘徊永茲夕魚鳥休相詫

千林沛靈雨萬壑戰層雲嘉植各吐媚湖波織織文輪蹄
稅窮巷言訪山中君棄置鷓鴣侶永與麋鹿群

逃名入空谷秉耒青山阿曠懷偶嵇阮詞藻步陰何昨日
朱顏客轉眼鬢成皤相逢且酣飲為歡豈在多

交交黃鳥語戢戢游鱗嬉山毛間海錯掃石傾芳卮調絃
君自解說劍我猶竒星聚匪云易不樂將何為

澄湖深且廣籜簇羅群峯園蕪紛展綠山礬萃舒紅思君
咏伐木對酒歌豳風嗤彼失路人咄咄徒書空

芝園定集卷七

十六

餞呂尚賓歸天姥席上分得蕭字限五言古體

天姥有呂生磊落稱人豪胸藏百萬卷筆底翻秋濤晶光
射斗牛逸氣干青霄排雲叫閭闔天門一何高紅淚悲荆
壁青春泣寶刀落魄不得意歸來理舊袍遨遊遍五岳天
路恣逍遙素書扣黃石滄海訪盧敖足躡蓬萊頂手挹赤
城標留題盡名勝收草入詩瓢知我烟霞癖杖策來相邀
憶昔眉髮青今來見二毛慷慨倒百壺爛醉歌長謔君本
千里足誰為九方臯棄置不充御伏櫪空鳴號舉世賤蘭
蕙慙懃服艾蕭蘭蕙日以悴蕭艾日以驕君其可奈何生
世由所遭倘逢狗監薦終應公車招

贈屠田仲上京謁選

春風動江介好鳥鳴河洲晨興戒徒御辭親事遠遊雲龍
構佳會禮樂際虞周孤矢四方志斗室諒非謀腰間雙寶
劍晶光射斗牛不用求良媒有識應見收君本美無度詞
賦推名流一入金門籍何者非好仇作室貴豐址力穡乃
有秋立身在茂齒龜勉効前修

君房下第歸至

在在有芳草處處有青山君去與之去君還與之還燕臺
空駿骨漢宮擯朱顏自古有如此沉冥且閉關

芝園定集卷之七終

芝園定集卷七

七

09742

芝

園

集